

# Ժողովուրդ

149  
(2999)

30 հոկտեմբերի չորեքշաբթի 2024  
տպագրության ԺԳ տարի

Ք. Երևան, Արվյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ՔՈՉԱՐՅԱՆԻ ՊԱՇՏՈՆԱՆԿՈՒԹՅԱՆ ՀԱՐՅԸ ԿԱՐԾԵՍ ԼՈՒՐՔ Է ԳԻՎԱԾ



«Ազատություն»-ը, երեկ հղում անելով իր աղբյուրներին, հայտնեց՝ ԶԳ-ում Անդրանիկ Քոչարյանին ԱԺ պաշտպանության եւ անվտանգության հարցերի մշտական հանձնաժողովի նախագահի պաշտոնից հեռացնելու հարց է բարձրացվել:

Թեև ԶԳ խմբակցության ղեկավար Հայկ Կոնջոյանը հերքեց տեղեկությունը, բայց հստակ է՝ ԶԳ-ում մի մեծ խումբ դժգոհ է Անդրանիկ Քոչարյանից, քանի որ վերջինս մշտապես ԶԳ-ում փորձել է իր թիմը ձեռավորել, խարդավանքներ է հյուսել, չենթարկվողների նկատմամբ պատժամիջոցներ կիրառել, ինչի պատճառով իշխանական մի խումբ պատգամավորներ, մեղմ ասած, առում են Քոչարյանին:

Իշխող թիմում հարաբերությունները սրվել են հատկապես Անդրանիկ Քոչարյանի նախաձեռնած՝ հանցավորության իրավիճակի մասով լսումներից եւ արդարադատության նախարարի թեկնածուների հետ կապված խոսակցություններից հետո:

Բանն այն է, որ Անդրանիկ Քոչարյանը հրապարակավ դժգոհել է, որ հոկտեմբերի 15-ին իր իսկ նախաձեռնած լսումներին ԶԳ 71 պատգամավորներից միայն մի քանիսն են ներկա եղել, ու մեղադրել է իշխանական պատգամավորներին, թե արհամարհական վերաբերմունք են իր նկատմամբ ցույց տվել: Նաեւ Նիկոլ Փաշինյանին է այդ անտարբերության մասին լուրեր հասցրել, որպեսզի նա «թիմի վրա բարկանա»:


Քոչարյանը կոպիտ ձեռով դժգոհել է իր թիմակիցներից, ինչն էլ շատերին վիրավորել է: Պատճառներից մեկն էլ կապված է արդարադատության նախարարի թեկնածուների հետ: «Ժողովուրդ» օրաթերթը գրել էր, որ Անդրանիկ Քոչարյանն ամեն գնով իր թեկնածուներին՝ Արփի Դավոյանին եւ Արմեն Խաչատրյանին է փորձել նախարար դարձնել, սակայն վարչությունը մերժել է, իսկ մյուս պատգամավորների առաջարկված թեկնածուները Քոչարյանի սրտով չեն եղել:

Հայտնել էինք նաեւ, որ ԶԳ խմբակցության պատգամավոր Հրաչ Հակոբյանն էլ իր ընկերոջ՝ Սիսակ Գաբրիելյանի թեկնածությունն է առաջարկել, ինչը, սակայն, ԶԳ վարչությունը չի էլ քննարկել:

Շրջանառվող տեղեկությունների համաձայն՝ Քոչարյանը վատ է արտահայտվել Սիսակ Գաբրիելյանի թեկնածության վերաբերյալ, ինչը վրդովվեցրել է Հրաչ Հակոբյանին ու Սիսակ Գաբրիելյանին: Վերջիններս էլ Քոչարյանի պաշտոնանկության հարցն են թիմում բարձրացրել, ինչը ԶԳ խմբակցության պատգամավորների մեծ մասի սրտով է եղել, բայց չեն համարձակվել մինչ այդ խոսել դրա մասին:

Շարունակությունը՝ ArmLur.am կայքում:


«Ժողովուրդ» օրաթերթի տեղեկությունների համաձայն՝ ԱԺ փոխնախագահ Ռուբեն Ռուբինյանին կանչել են ՀՀ քննչական կոմիտեի ու հարցաքննել: Հարցաքննության առիթը եղել է Ֆեյսբուք սոցիալական ցանցով օգտատեր «Ռուբեն Կասյանից» ուղարկված նամակը Ռուբեն Ռուբինյանին, որով նրան հայտնել են, որ ԶԳ գրասենյակը պայթեցրել են: Ինչպես հայտնի է, ՀՀ քննչական կոմիտեն ԶԳ-ական պատգամավորների տան եւ գրասենյակների պայթյունի դեպքերով քրեական վարույթ է նախաձեռնել, եւ վարույթի շրջանակում կալանավորված 3 անձինք կան, որոնք չեն ընդունում առաջադրված մեղադրանքը: Այսպիսով՝ «Ժողովուրդ» օրաթերթի ձեռքում է հայտնվել ԱԺ փոխնախագահ Ռուբեն Ռուբինյանի հարցաքննությունը: Հարցաքննության ընթացքում Ռուբինյանը խոսել է ստացած նամակի, ԶԳ գրասենյակի տարածքում պայթուցիկի տեղադրման եւ պայթյունի իրականացնելու ու դրա հետագա դեպքերի մասին: Հարցաքննությունն ամբողջությամբ կարող էք կարդալ ArmLur.am կայքում:



Փոխմարզպետ Հայկ Հարությունյանը պետական համակարգի հնաքնակներից է. աշխատել է եւ նախկին եւ ներկայիս իշխանությունների հետ՝ Ֆիզիկայի եւ մաթեմատիկայի ուսուցչից հասնելով Սյունիքի փոխմարզպետի պաշտոնին: Նա հայտարարագրել է 10 անշարժ գույք՝ 3 բնակարան բազմաբնակարան շենքում՝ Սյունիքի մարզի Կապան քաղաքում: «Ժողովուրդ» օրաթերթը տեղեկացավ, որ 4 հողամաս, 1 բազմամյա տնկի ունի փոխմարզպետը, բացի դրանից, եւս 2 անշարժ գույքերի մասին տեղեկություն պաշտպանված է գաղտնի կերպով: 2010-2014 թթ. Հարությունյանը եղել է Եղվարդի միջնակարգ դպրոցի տնօրենի՝ ուսումնական գծով տեղակալ: 2014-2022 թվականներին եղել է ՀՀ Սյունիքի մարզպետարանի կրթության, մշակույթի եւ սպորտի վարչության կրթության բաժնի պետ: Իսկ հիմա արդեն փոխմարզպետ Հարությունյանը 2020 թվականին ձեռք է բերել 2008 թվականի արտադրության Mazda մակնիշի մեքենա: Փոխմարզպետի բանկային հաշիվների մնացորդը կազմել է 1.1 մլն դրամ, կանխիկ դրամական միջոցները՝ գրեթե 1.5 մլն դրամ: Հայկ Հարությունյանը Սյունիքի փոխմարզպետի պաշտոնում աշխատելիս ստացել է 9,5 մլն դրամ տարեկան եկամուտ: Փոխմարզպետի՝ ստացված վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 2 մլն 779 հազար դրամ, որից 2 մլն 732 հազարը բնակարանի հիփոթեքի մայր գումարի մնացորդն է:



Երեկ «Քաղաքացիական պայմանագիր» կուսակցության վարչության նիստում կրկին չընտրվեց արդարադատության նախարար, սակայն թեկնածուների շրջանակն աստիճանաբար ընդլայնվում է: ԶԳ վարչությունում հուսահատության մեջ են. իրենց «սրտի» նախարարին չեն կարողանում գտնել, սակայն ամեն շաբաթվա նիստում կա նախարարի մի նոր թեկնածու, որին չեն ընտրում: Այս անգամ ԶԳ վարչությունը որոշեց ՀՀ արդարադատության նախարարի պաշտոնում առաջադրել Սրբուհի Գալյանի թեկնածությունը: Կընտրվի նա վարչության կողմից թե ոչ՝ դժվար է ասել՝ հաշվի առնելով նախկին նախադեպերը: Տեղեկացնենք, որ Սրբուհի Գալյանը ՀՀ Գլխավոր դատախազի՝ ապօրինի ծագում ունեցող գույքի բռնագանձման ուղղված գործառնությունների ոլորտը համակարգող տեղակալն է: Սա հենց այն ոլորտն է, որ սիրում է Նիկոլ Փաշինյանը, եւ դեռ հեղափոխության տարիներից վանկարկում էր՝ «Ո՛չ մի մուկ, ո՛չ մի ձուկ չի պլստալու»՝ նկատի ունենալով, թե պետությունից գողացվածը հետ է բերելու: Դա ստացվում է այնքանով, որ Գալյանի կողմից կարգավորվող ոլորտի թիրախում ամեն օր նախկին պաշտոնյաներից որեւէ մեկն է, որոնցից պետք է բռնագանձեն գույքեր եւ միլիոնավոր դրամներ: Կարծես թե, Գալյանը մոտ է «սրտի նախարար» դառնալու կոչմանը, բայց քանի դեռ չի նշանակվել, դժվար է ասել, որ հենց նա կլինի:



ԶՐՈՒՅՑ

# «ԱՐՏԱՔԻՆ ՊԱՐՏՔ ՎԵՐՑՆԵԼԸ ԴԱՏԱՊԱՐՏԵԼԻ ԶԷ», ԲԱԳՐԱՏՅԱՆ

«Ժողովուրդ» օրաթերթի հեռուգրությունը խմբակցության դասգամակոր Սերգեյ Բագրատյանը անդրադարձել է դեռևս անցած տարի, ՀՀ վարչապետ Նիկոլ Փաշինյանի վարած քաղաքականությանը:

«Պարոն Բագրատյան, արդեն երկրորդ օրն է՝ Ազգային ժողովում քննարկվում է 2025 թվականի պետական բյուջեի նախագիծը: Երեկ ֆինանսների նախարարը մի քանի ուշագրավ հայտարարություն արեց: Նախ՝ նշեց, որ Հայաստանի Հանրապետության պետական պարտքը այս պահի դրությամբ 5 տրիլիոն դրամ է կազմում, եւ ամեն ամիս Կառավարությունը նոր պարտք է վերցնում: Ի՞նչն է պատճառը եւ արդյոք զսպանակ մեխանիզմներ չկան, որպեսզի պարտքը նման աստղաբաշխական թվերի չհասնի:

«Նախ՝ պատկերացնենք պետական պարտք-ՀՆԱ հարաբերակցությունը, քանզի հասարակ քաղաքացու համար այդքան էլ հստակ չէ, թե դրանք ինչի մասին են եւ ինչ թվեր են: Ես կցանկանամ, որ յուրաքանչյուր սա պատկերացնի իր ընտանեկան բյուջեի հիման վրա: Այսինքն՝ ինչ է նշանակում լրացուցիչ պարտք վերցնելը, օրինակ, եթե մեր ընտանեկան բյուջեն տարեկան կազմում է մոտ երկու միլիոն դրամ, նշանակում է, որ մինչեւ 500 հազար դրամի սպառողական վարկ կարող ենք սպասարկել: Այսինքն՝ մենք հաշվում ենք, թե մեզ որքան գումար է պետք սնունդի, վարձերի եւ այլ ծախսերի համար ու հաշվում գումարը: Եթե տարվա վերջին մենք կծախսենք մեկուկես միլիոնը եւ կես միլիոնը կմնա, ապա կարող ենք նոր հեռուստացույց գնել, կամ թանկարժեք սառնարան: Ինչո՞րի է առաջանում այն ժամանակ, երբ ՀՆԱ եւ վարկեր հարաբերակցությունը անցնում է 60 տոկոսը: Դուք ասացի՞ք՝ 5 տրիլիոն է արտաքին պարտքը, այսինքն՝ մոտ 12 միլիարդ դոլարի պետական վարկ ունենք: Դա կազմում է մեր ՀՆԱ-ի 49 տոկոսը միայն, եւ մեր հնարավորությունները ավելին են, քան մենք



վերցրել ենք: Հիմա արդյոք արժե՞ վարկեր վերցնել: Վարկեր վերցնել արժե միայն այն դեպքում, երբ կան ծրագրեր, որոնց իրագործման համար պետությունը ներքին գումար չունի եւ հնարավորությունները բավարար չեն: Օրինակ, որպեսզի հյուսիս-հարավ ճանապարհը կառուցենք հասնենք տեղ, մենք մտածում ենք, որ այդ հնարավորությունը կունենանք տասը տարի հետո: Բայց արդյոք ավելի լավ չէ՞ մենք հիմա վարկ վերցնենք, ճանապարհը կառուցենք, եւ տասը տարի եկամուտ ունենանք այդ ճանապարհից, քան սպասենք, որ տասը տարի հետո, բյուջեի հնարավորության սահմաններում, կարողանանք կառուցել այն: Այնպես չէ, որ ես կարծում եմ, թե վարկ վերցնելը լավ բան է, սակայն չեմ էլ կարծում, որ դատապարտելի է. եթե ի վիճակի ենք սպասարկել չվ-

նասելով մեր բարեկեցությունը՝ ապա պետք է օգտվել այդ վարկերից: «Պարոն Բագրատյան, այստեղ խնդիրն այն է, որ այսօրվա Կառավարության դեկլարացիայի Նիկոլ Փաշինյանը ընդհանուր պատգամավոր եղած ժամանակ քննադատում էր Նախկին կառավարություններին՝ պետական պարտքը ավելացնելու համար, սակայն հիմա ինքն է նույն քաղաքականությամբ առաջնորդվում: Ցանկացած գործընթաց ունի քաղաքական եւ տնտեսական բաղադրիչ: Բոլոր ժամանակներում էլ ընդդիմության դերը իշխանությանը քննադատելն է եւ պարտադիր չէ, որ դա խոր վերլուծության արդյունք լինի: Իսկ իշխանությունը պարտավոր է բացատրել եւ հիմնավորել վարած քաղաքականությունը՝ բացատրելով, որ տվյալ վարկը պետք է բոլորիս: **Ջրույցք ԲՐԻՍԿՆԱ ՍՈՒՇԵՆՅԱՆԸ**

ԸՆԹԱՑԻԿ

## ՀՈՂԵՐԻ ՕՏԱՐՄԱՆ ԳՈՐԾԸ ԴԱՏԱՐԱՆՈՒՄ Է

«Ժողովուրդ» օրաթերթի տաղավարում քաղաքացիներ Հայաստանի Սահակյանը եւ Կարապետ Գրիգորյանն են, որոնք պնդում են, որ իրենց սեփականություն հանդիսացող հողատարածքը, 2013 թվականին ճանաչվելով հանրային գերակա շահ, օտարվել է: Հողամասը, որը ձեռք է բերել պետությունը, նպատակի համար չի օգտագործվել, եւ քաղաքացիները փորձում են հետ բերել հողամասը:

Քաղաքացիները «Ժողովուրդ» օրաթերթի հետ զրույցում նշում են, որ 2023 թվականին Մասիսի քաղաքապետ Դավիթ Համբարձումյանը նշված հողային տարածքները վաճառել է գրեթե 20 մլն դրամով եւ աճուրդի մասին հայտարարությունը եղել է օրենքի խախտումներով: Եւ չի եղել պատշաճ հրապարակում:

Քաղաքացիները պնդում են, որ հողը ձեռք է բերել Անդրանիկ Օսիպյանը, ով Համբարձումյանի ընկերներից է եւ Մասիսի համայնքում մի քանի հողամասեր է նման կերպ ձեռք բերել:

«Ժողովուրդ» օրաթերթի հետ զրույցում Մասիսի համայնքապետ Դավիթ Համբարձումյանը նշեց, որ համայնքն իրավասու չէ պետական սեփականության հողը վաճառել կամ աճուրդի հանել:

Քանի որ Համբարձումյանը պատշաճ իրազեկված չէր, հավելյալ տեղեկություն չկարողացավ տալ: Հարցին, թե արդյոք Օսիպյանը, ով սեփականաշնորհի է նշված հողամասը, իր մեծ շրջանակից է՝ չհերքեց, այլ հաստատեց:

## ԿՈՆՋՈՐՅԱՆԸ՝ Ա. ԲՅԱՐԱՄՅԱՆԻ ՊԱՐՎԱԾՔԻ ՄԱՍԻՆ

ՔՊ խմբակցության ղեկավար Հայկ Կոնջորյանը չի հերքում քննչական կոմիտեի նախագահ Արգիշտի Քյարամյանի վարքագիծը քննության կառուցելիս:

«Ես գիտեմ, որ այդ հարցով որոշակի ընթացք է լինելու», - երեկ Աժ-ում լրագրողների հետ զրույցում ասաց նա:

Հաշվի առնելով, որ Քյարամյանը ԶԿ նախագահն է, իսկ ինքը կառավարող խմբակցության ղեկավարը՝ Կոնջորյանը ճիշտ չհամարեց, որ այդ մասով իր մեկնաբանությունները տա:

Հարցին՝ կաշկանդված է՞ արձագանքեց. «Կաշկանդված չեմ, ընդհակառակը, եթե հիմա մեկնաբանություններ տամ, կարող է դիտվել մեր կողմից կաշկանդող հայտարարություն»:

Նշեց, որ Աժ-ում ՔՊ-ական պատգամավոր Հովհի Աղազարյանի եւ ԶԿ ղեկավար Արգիշտի Քյարամյանի մասնակցությամբ միջադեպի փաստով քրեական վարույթ է նախաձեռնվել:

Հիշեցնենք՝ Ազգային ժողովում սկանդալ էր եղել ՔՊ-ական պատգամավոր Հովհի Աղազարյանի ու ԶԿ նախագահ Արգիշտի Քյարամյանի միջեւ: Աղազարյանը Քյարամյանին դիմել էր «արա»-ով, ԶԿ նախագահն էլ արձագանքել էր՝ «ոտքից գլուխ արա ես»:

## ԱԺ ԱՐՏԱՔԵՐԹ ՆԻՍՏԻ ՕՐԱԿԱՐԳԸ

Ազգային ժողովի խորհուրդը հոկտեմբերի 29-ին գումարել է արտահերթ նիստ: Այն վարել է Ազգային ժողովի նախագահ Ալեն Սիմոնյանը:

Խորհուրդը համաձայնություն է տվել 2024 թվականի հոկտեմբերի 31-ին՝ ժամը 13:00-ին, նախաձեռնողի սահմանած օրակարգով եւ ժամկետում Ազգային ժողովի արտահերթ նիստ գումարելուն:

Ազգային ժողովի խորհրդի որոշմամբ լրացում եւ փոփոխություն են կատարվել 2024 թվականի հոկտեմբերի 21-ի ԱժԽՆ-050-Լ որոշման մեջ:



## ՋԱՆՔԵՐ ԵՆ ԳՈՐԾԱԳՐՈՒՄ ԽԱՂԱԳՈՒԹՅԱՆ ՀԱՄՆԵԼՈՒ

Ադրբեջանն ու Հայաստանն անկեղծ ջանքեր են գործադրում տարածաշրջանում խաղաղության համար: Այս մասին հայտարարել է Թուրքիայի նախագահ Էրդողանը՝ հիշեցնելով, որ հոկտեմբերի 18-ին Ստամբուլում տեղի է ունեցել «3+3» հարթակի նախարարական նիստը:

«Այնպիսով է, որ հարթակն արդյունավետ է, եւ մենք ցանկանում ենք այն վերափոխել ինստիտուցիոնալ հարթակի: Մենք տեսնում ենք եղբայրական Ադրբեջանի եւ Հայաստանի ջանքերն այդ ուղղությամբ, եւ Անկարան կհետեւի գործընթացին: Այժմ կա եզակի հնարավորություն տեսական խաղաղության համար: Մենք կշարունակենք համակարգված աշխատել մեր ադրբեջանցի եղբայրների հետ», - ասել է նա:

## ՄԻԵԳ-ՈՒՄ ՀՀ ԴԱՏԱՎՈՐԻ ԹԵԿՆԱԾՈՒՆԵՐԻ ՆՈՐ ՑՈՒՑԱԿ

Հայաստանի վարչապետ Նիկոլ Փաշինյանը որոշում է ստորագրել՝ հաստատելով ՄԻԵԳ դատավորի պաշտոնում Հայաստանի առաջադրած թեկնածուների նոր ցուցակը:

«Հիմք ընդունելով «Կառավարության կառուցվածքի եւ գործունեության մասին» Հայաստանի Հանրապետության օրենքի 7-րդ հոդվածի 16.1-ին մասը՝ հաստատել Մարդու իրավունքների եվրոպական դատարանի դատավորի պաշտոնում Հայաստանի Հանրապետության կողմից առաջադրվող թեկնածուների նոր ցուցակը՝ հետևյալ կազմով.

- 1) Գրիգորյան Վահե
- 2) Կարապետյան Նորա
- 3) Մարգարյան Աննա»,- նշված է Փաշինյանի ստորագրած որոշման մեջ:

## ԳԵՐԻՆԵՐԻ ԵՎ ԱՆՐԵՏ ԿՈՐԱԾՆԵՐԻ ՀԱՐՑՈՎ

Մոտ ժամանակներս հնարավոր է՝ հայկական ու ադրբեջանական կողմերը հանդիպում անցկացնեն գերինների եւ անհետ կորածների հարցով: Այս մասին լրագրողների հետ զրույցում ասաց ՀՀ ԱԾ տնօրեն Արմեն Աբազյանը՝ նշելով, որ հանդիպումը, հավանաբար, հանձնաժողովների կազմով տեղի կունենա, վայրն էլ դեռեւս որոշված չէ:

Ժամկետների մասին, ինչպես նշեց Աբազյանը, հավելյալ կտեղեկացնեն:

«Արդյունքների մասով եկեք չջտապենք հայտարարություն անել», - ասաց նա՝ պատասխանելով հարցին, թե այդ հանդիպումից հնարավոր է արդյոք ակնկալել որոշակի արդյունքներ:

ԻՐԱՎԻՃԱԿ

ՈՒՄ Է ՓՆՏՐՈՒՄ ԴԱՏԱԽԱՉՈՒԹՅՈՒՆԸ

Ի՞ՆՉ Է ՄՊԱՍՎՈՒՄ ԱՐԳԻՇՏԻ ՔՅԱՐԱՄՅԱՆԻՆ

ԱՎԵԼԻ ԲԱՆ 440 ՀԱԶ. ՄԱՐԳ ԼՔԵԼ Է ԼԻԲԱՆԱՆԸ

Առկա 440 հազար մարդ է Լիբանանը այն բանից հետո, երբ սեպտեմբերի վերջին սկսվեց Իսրայելի ռազմական գործողությունը շիական «Հրճարկա» շարժման դեմ: Այս մասին հայտնում է Լիբանանում ՄԱԿ-ի հումանիտար հարցերի համակարգման գրասենյակը (OCHA):

Ինչպես նշվում է գեկուցում, ՄԱԿ-ի փախստականների հարցերով գերագույն հանձնակատարի գրասենյակի եւ Սիրիայի Կարմիր մահիկի ընկերության տվյալներով՝ սեպտեմբերի 23-ից ի վեր Լիբանանից Սիրիա է հատել սահմանը մոտ 440 հազար մարդ:

Փաստաթղթում նշվում է նաեւ, որ Իրաք է ժամանել եւս 22 հազար լիբանանցի:

ՀԱՐԱԲԵՐՈՒԹՅՈՒՆՆԵՐԸ ՎԵՐԱՆԱՅԵԼՈՒ ԵՎ ԴԱԳԱՐԵՑՆԵԼՈՒ ՄԱՍԻՆ

Կանադան հայտարարել է Վրաստանի կառավարության հետ հարաբերությունների վերանայման մասին, գրում է newsgeorgia.ge կայքը:

Երկիրը մտահոգություն է հայտնել դիտորդների կողմից ընտրական խախտումների բազմաթիվ դեպքերի մասին հաղորդումների վերաբերյալ:

Մինչդեռ apсны.ge կայքը գրում է, որ Շվեդիան դադարեցնում է համագործակցությունը Վրաստանի հետ պետական մարմինների մակարդակով:

ՀԱՐՎԱԾ՝ ՌՈՒՄԱԿԱՆ ՀԱՏՈՒԿ ՆՇԱՆԱԿՈՒԹՅԱՆ ՈՒԺԵՐԻ ՀԱՄԱԼՍԱՐԱՆԻ ՎՐԱ

Չեչնիայի տարածքում առաջին անգամ անօդաչու թռչող սարքի հարձակում է տեղի ունեցել. անհայտ անօդաչու թռչող սարքերը հարձակվել են տեղի հատուկ նշանակության համալսարանի վրա: Այս մասին հաղորդում են տելեգրամյան ալիքները:

Չեչնիայի ղեկավար Ռամզան Կադիրովի խոսքով՝ անօդաչու թռչող սարքը հարվածել է ռուսական հատուկ նշանակության ուժերի համալսարանի տարածքում գտնվող դատարկ շենքին: Հարձակումից հետո տակիքը բռնկվել է: Զոհեր եւ վիրավորներ չկան:

ՓԵՋԵՇԸԻԱՆԻ ԱՆԴՐԱԳԱՐՁԸ

Իրանի նախագահ Մասուդ Փեզեշքեիանը հայտարարել է, որ իր երկիրը պատերազմի չէն ձգտում, բայց պաշտպանելու է իրանցի ժողովրդի իրավունքները:

Ինչպես փոխանցում է IRNA-ն, ընդգծելով Իսրայելին պատասխանելու Իրանի իրավունքը, այս մասին Մասուդ Փեզեշքեիանն ասել է կառավարության նիստում, այն բանից հետո, երբ իսրայելական կողմը հարվածներ է հասցրել իրանական ռազմական օբյեկտներին:

Իրանի նախագահը նախագուշացրել է, որ լարվածությունը կարվի, եթե Իսրայելը շարունակի շարունակի իր գործելանոցը:

Ազգային ժողովում Արգիշտի Քյարամյանի հայտարարության վերաբերյալ քննարկումներ են անցանում: Այս մասին «ժողովուրդ» օրաթերթին հայտնել են ՀՀ գլխավոր դատախազությունից:

Իսկ որն էր Արգիշտի Քյարամյանի հայտարարությունը, որն էր այն գործը, որի համար Քյարամյանին դիմել են Ադազարյանի որդու մասով:

«ժողովուրդ» օրաթերթին հասած տեղեկությունների համաձայն՝ քննչական կոմիտեն արգելանքի տակ է վերցրել պատգամավորի որդու ընկերությանը պատկանող մի քանի մեքենաներ: 2023 թվականի օգոստոսի 1-ին ՀՀ քննչական կոմիտեին պաշտոնապես հայտնել էր, որ կոմիտեի հատուկ հանձնարարություններով գործերի քննության վարչությունում շարունակվում է «Ավտոներկրողներ», «Ավտոներկրողների միություն» եւ «Ավտոներկրող-4» ՍՊ ընկերությունների գործունեության արդյունքում թույլ տրված չարաշահումների դեպքերի առթիվ քրեական վարույթով նախաքննությունը: Քննությամբ ձեռք բերված տվյալներով պարզվել է, որ Տ.Յ.Ն., հանդիսանալով պետական գրանցում ստացած վերոնշյալ ընկերությունների գործունեությունը փաստացի ղեկավարող անձ եւ փաստացի սեփականատեր, ընկերությունների միջոցով նպատակադրված լինելով պետությունից խարդախությամբ հափշտակելու առանձնապես խոշոր չափերի գումարներ, համաձայնության է ելել ավտոմեքենաների ներմուծմամբ զբաղվող բազմաթիվ ֆիզիկական անձանց հետ՝ իր ընկերության անվամբ վերջիններիս պատկանող ֆինանսական միջոցներով ավտոմեքենաներ ներկրելու եւ ԵԱՏՄ երկրներ արտահանելու հարցի շուրջ, պայմանով, որ վերադարձման ենթակա ԱԱՀ-ի հիսուն տոկոս գումարը մնալու է իրեն՝ որն էլ եղել է նրա օգուտը, իսկ մյուս հիսուն տոկոսը տրվելու է ֆիզիկական անձանց: Համաձայնության շրջանակներում ֆիզիկական անձանց տրված լիազորագրերի հիման վրա 2020-2023 թվականների ընթացքում ֆիզիկական անձանց կողմից ներգրավված ֆինանսական միջոցներով տարբեր երկրներից հիշյալ ընկերու-



թյունների անվամբ ներկրվել է շուրջ 8.447 տրանսպորտային միջոց, որոնց մի մասն արտահանվել է ԵԱՏՄ անդամ երկրներ, եւ դրանց վերաբերյալ առուվաճառքի պայմանագրերում փաստացի խեղաթուրվել են գործարքի իրական շահառուի, վաճառքի իրական գների տվյալները:

Ձեռք բերման գնից պակաս ցույց տալու արդյունքում՝ հիշյալ ընկերությունների կողմից ՀՀ ՊԵԿ ներկայացված հաշվարկ-հաշվետվություններում արհեստականորեն առաջացել են 5 մլրդ. 700 մլն. ՀՀ դրամի չափով հարկային վնասներ, իսկ ԱԱՀ-ի հաշվետվություններում, խարդախությամբ հափշտակելու նպատակով, ձեւավորել են վերադարձման ենթակա 3 մլրդ. 868 մլն. դրամի չափով ԱԱՀ-ի դեբետային գումարներ:

Ընկերությունները, վերոգրյալ գործարքներն իրականացնելով, իրականում

ոչ թե իրականացրել են ձեռնարկատիրական գործունեություն, այլ նպատակ են ունեցել ձեռնարկատիրական գործունեության քողի ներքո պետությունից կատարելու հափշտակություն:

Դատելով իրավիճակից՝ հենց այս քրեական գործով են զանգահարել քննչական կոմիտեի նախագահ Արգիշտի Քյարամյանին, ինչի մասին էլ նա հրապարակային բացահայտում արեց Ազգային ժողովում:

Այժմ Գլխավոր դատախազությունը փնտրում է, թե ով է զանգել Արգիշտի Քյարամյանին:

Կարելի է ենթադրել նաեւ, որ որդու քրեական գործի պատճառով ՔՊ խմբակցության պատգամավոր Հովիկ Ադազարյանի գլխին սեւ ամպեր են կուտակված: Սպասենք Դատախազության հետագա քայլերին:

ԷՄՄԱ ՄԻՔԱՅԵԼՅԱՆ

ՕՐՎԱ ԽՃԱՆԿԱՐ

ԿՐԵՌԱՑՆԵ՞Ն ՊԱՇՏՈՆԻՑ. ԽՄՈՐՈՒՄՆԵՐ՝ ԱԺՈՒՄ

Ազգային ժողովի իշխող «Քաղաքացիական պայմանագիր» խմբակցության մի շարք անդամներ վարչապետ Նիկոլ Փաշինյանի մասնակցությամբ երեկ նախատեսված նիստում պատրաստվում էին բարձրացրել Անդրանիկ Քոչարյանին պաշտպանության հանձնաժողովի նախագահի պաշտոնից հեռացնելու հարցը:

«Ազատության» աղբյուրի փոխանցմամբ՝ խմբակցությունից շատերը, այդ թվում՝ առանցքային անդամներ, կողմ են Քոչարյանին պաշտոնակն անելուն, բայց դեռ այդ հարցը պետք է քննարկվի Փաշինյանի հետ: Քոչարյանը տեղյակ է թիմակիցների մտադրության մասին:

Այս պահին նրան հեռացնելու հիմնավորումները դեռ հստակ ձեւակերպված չեն, կիսաշողեն ՔՊ-ականներն իրենց թիմակցին հեռացնելու հարցում, թե՛ ոչ,

դեռ պարզ չէ: «Ազատության»-ը փոխանցել են, որ որոշումը, ըստ էության, կախված է վարչապետից:

Մեկ օր առաջ նախատեսված վարչության նիստը տեղի չունեցավ ԱԺ-ում 2025-ի բյուջե քննարկումների պատճառով: Թե երբ տեղի կունենա նիստը, դեռ հստակ չէ:

ԱԳՐԵՋԱՆԻ ԶՈՒ ԴՈՒՐՍԲԵՐՈՒՄԸ ՀՀ ՏԱՐԱԾՔԻՑ ԳԵՌ ՀԱՐՑԱԿԱՆ Է

ՀՀ իշխանությունների հավաստիացումներն ու պնդումները, թե Ադրբեջանի ԶՈՒ-ն սահմանազատման արդյունքում դուրս է բերվելու ՀՀ ինքնիշխանության տարածքից, որտեղ լուրջ հիմնավորում չունեն:

Այս մասին իր ֆեյսբուքյան էջում գրել է ԱԺ «Պատիվ ունեմ» խմբակցության քարտուղար Տիգրան Աբրահամյանը:

«Հայաստանյան իշխանությունների հավաստիացումներն ու պնդումները, թե ադրբեջանական զորքերը սահմանազատման արդյունքում, ինչ-որ փուլում, դուրս են բերվելու ՀՀ ինքնիշխանության տարածքից, որտեղ լուրջ հիմնավորում չունեն:

Նույնիսկ կնքված փաստաթղթերի, միջազգային բանաձեւերի կամ միջազգային իրավունքի առկայությունը տարբեր երկրների հետ չի կանգնեցնում ագրեսիայի դիմելուց, այլ երկրի տարածքներ օկուպացնելուց ու ստանձնած պարտավորությունները կատարելուց:

Այս ամենի համատեքստում Հայաստանի իշխանության ձեռք բերած պայմանավորվածությունները նույնիսկ փաստաթղթային առումով են խոցելի ու Ադրբեջանի համար՝ ըստ իրավիճակի գործելու հնարավորություն են տալիս:

Սահմանազատման կանոնակարգում հենց միայն հատվածական սահմանազատման դրույթի առկայությունն արդեն ակնհայտ է, որը ցանկացած պահի կարող է պայթել ու իրադարձություններն անկանխատեսելի հուն տեղափոխել»,- գրել է նա:

ԶԵՐԲԱԿԱԿԵԼ Է 5 ԱՆՁ

# ՔՐԵԱԿԱՆ ԵՆԹԱՄՇԱԿՈՒՅԹԻ ՀԵՏՔԵՐՈՎ

ՀՀ ԲՆԱՅԱԿԱՆ ԿՈՄԻՏԵԻ ԵՔԲՎ ԾԱՆՐ ԽԱՆՑԱԳՈՐԾՈՒՅՐՈՒՄԻՆԻՑԻ ԲՆՈՒՅՐՅԱՆ ԲԱԺՆՈՒՄ ԱՎԱՐՏՎԵԼ Է ԲՐԵԱԿԱՆ ԱՍԻՃԱՆԱԿԱՐԳՈՒՅՐՅԱՆ ԲԱՐԾՐԱԳՈՒՅՆ ԿԱՐԳԱՎԻՃԱԿ ԱՍԱՆԱԿՈՒ, ԽԱՐԱՎՈՐՈՒՄՆ ԴԵԿԱՎԱՐԵՐՈՒ ԵՎ ՄԱՍՆԱԿՅԵՐՈՒ, ԲՐԵԱԿԱՆ ԱՍԻՃԱՆԱԿԱՐԳՈՒՅՐՅԱՆ ԲԱՐԾՐԱԳՈՒՅՆ ԿԱՐԳԱՎԻՃԱԿ ՈՒՆԵՑՈՂ ԱՆՃԻՆ ԳԻՄԵՐՈՒ ԴԵՊԻ ԱՍՅՈՒՄ ՈՍԿԱՏԱԿՆԵՐԻ ԲՐԵԱԿԱՆ ՎԱՐՈՒՅՔԻ ՈՍԿԱՏԱԿՆԵՐՈՒՄՆ 5 ՄԵՂԱՊՅԱԿԻ ՄԱՍՈՎ:



Քրեական աստիճանակարգության բարձրագույն՝ «քրեական հեղինակության» կարգավիճակ ունեցող վերոհիշյալ անձին:

Նախաքննության ընթացքում փաստական տվյալներ են ստացվել այն մասին, որ Յ.Խ.-ն, ստանալով «քրեական հեղինակության» քրեական աստիճանակարգության բարձրագույն կարգավիճակ», հանդիսանալով քրեական աստիճանակարգության բարձրագույն կարգավիճակ ունեցող անձին, իր անօրինական ազդեցությունն օգտագործելու է սպառնալիքի միջոցով ստանձնել և մասնավոր, այն է՝ պարտք մնացած գումարի վերադարձման, ինչպես նաև այլ խնդիրներին վերաբերող վեճերն իրեն դիմած անձանց օգտին լուծելու հարցեր:

Քննությամբ հիմնավորվել է, որ տարբեր անձինք իրենց հերթին, այդ թվում Պ.Ս.-ն, ստանալով և կատարելով քրեական ենթամշակույթ կրող խմբավորման կողմից հետապնդվող նպատակների իրականացմանն ուղղված գործողություններ կատարելու մասին հանձնարարությունները, մասնակցել են քրեական ենթամշակույթ կրող խմբավորմանը, ինչպես նաև ներգրավված են եղել դրա կողմից հետապնդվող նպատակների իրականացմանը:

Տարբեր քաղաքացիներ իրենց հերթին, իրենց ենթադրյալ իրավունքներն իրացնելու, մասնավոր հարցերին առջևից վեճերն անօրինական ազդեցությունն օգտագործելով լուծելու համար, դիմել են

2023թ. դեկտեմբերի 26-ին որպես քրեական հեղինակության՝ Յ.Խ.-ին դիմել է վերջինիս ծանուցող՝ որդու և նրա ընկերոջ մտերիմների վեճը լուծելու խնդրանքով: Յ.Խ.-ն ընդունել է իրեն դիմած անձի որդուն և վերջինիս ընկերոջը և առաջացած մասնավոր վեճը լուծելու նպատակով քննարկել վիճաբանության մասնակից անձի կողմից մեկ այլ՝ «Մասիվի Ժիրո» մականվամբ անձին դիմելու և նշված անձի օգտին մասնավոր հարցին լուծում տալու հետ կապված հարցերը: Դրա ընթացքում Յ.Խ.-ն, պարզաբանելով քրեական աշխարհում ընդունված ավանդույթներով և կանոններով գործելու անհրաժեշտությունը, պատրաստակամություն է հայտնել տվյալ հարցի հետ կապված գրուցել «Մասիվի Ժիրոյի» հետ և անօրինական ճանապարհով, օգտագործելով իր քրեական հեղինակությունը, իրեն դիմած նշված երկու անձանց օգտին լուծել վեճը:

Նախաքննությամբ ձեռք բերված բավարար փաստերի հիման վրա Յ.Խ.-ին մեղադրանք է ներկայացվել ՅՅ քրեական

օրենսգրքի 322-րդ հոդվածի 1-ին մասով, 324-րդ հոդվածի 3-րդ մասի 5-րդ կետով, նրա նկատմամբ, որպես խափանման միջոց, համակցված կիրառվել է տնային կալանք, գրավ՝ 5.000.000 ՀՀ դրամ և բացակայելու արգելք:

Պ.Ս.-ին մեղադրանք է ներկայացվել ՅՅ քրեական օրենսգրքի 324-րդ հոդվածի 1-ին մասով: Վերջինիս նկատմամբ որպես խափանման միջոց համակցված կիրառվել է վարչական հսկողությունը, գրավ՝ 15.000.000 ՀՀ դրամ և բացակայելու արգելք:

Վերջիններիս դիմած երեք անձանց մեղադրանք է ներկայացվել՝ ՅՅ քրեական օրենսգրքի 325-րդ հոդվածի 1-ին մասով: Նրանցից երկուսի նկատմամբ որպես խափանման միջոց կիրառվել է բացակայելու արգելք, իսկ մեկի նկատմամբ՝ վարչական հսկողություն և բացակայելու արգելք:

Հինգ մեղադրյալի մասով նախաքննությունն ավարտվել է, և վարույթի նյութերը, մեղադրական եզրակացությամբ, ուղարկվել են դատարան:

Քրեական ենթամշակույթ կրող խմբավորմանը մասնակից, քննությամբ դեռեսաչարգված անդամների մասով նախաքննությունը շարունակվում է:

ԼՈՒՐԵՐ

## ՊԱՀԱՆՋ՝ 15 ԱՆՇԱՐԺ ԳՈՒՅՔ ԲՈՆԱԳԱՆՉԵԼՈՒ



Հակակոռուպցիոն դատարանը 2024 թվականի հոկտեմբերի 24-ին վարույթ է ընդունել Գլխավոր դատախազության՝ ապօրինի ծագում ունեցող գույքի բռնագանձման վերաբերյալ հերթական հայցադիմումը, հայտնում են ՅՅ գլխավոր դատախազությունից:

«Գլխավոր դատախազության ապօրինի ծագում ունեցող գույքի բռնագանձման գործերով վարչությունը պահանջ է ներկայացրել դատարանին՝ ՅՅ Ազգային ժողովի նախկին փոխնախագահ Միքայել Մելքոնյանից և նրան փոխկապակցված անձանցից հօգուտ Հայաստանի Հանրապետության բռնագանձել՝

- 15 անշարժ գույք.
- 2 տրանսպորտային միջոց.
- 1 իրավաբանական անձու մասնակցություն.
- շուրջ 315 միլիոն դրամ», - նշված է հաղորդագրության մեջ:

## ՄԱՆՐԱՄԱՍՆԵՐ՝ ՈՂԲԵՐԳԱԿԱՆ ԱՎՏՈՎԹԱՐԻՑ

Հոկտեմբերի 26-ին ողբերգական ավտովթարից մահացել էր երգչուհի Մաշ Իսրայելյանի քույրը՝ Էլեն Իսրայելյանը:

Շամշյանի հաղորդմամբ՝ ժամը 03:45-ի սահմաններում, Էլեն Իսրայելյանը «BMW»-ով Մազմանյան փողոցում բախվել է բազալտե եզրաքարերին, անցել շրջանաձև հատվածի կանաչ լույսով և վրայով, բախվել երկաթե էլեկտրասյանը և հայտնվել երթուղիի գոտում: Նա և Երեանի բնակիչ 37-ամյա Արսեն Խաչատրյանը ծայրահեղ ծանր վիճակում տեղափոխվել էին հիվանդանոց:

«Ժողովուրդ» օրաթերթի տեղեկություններով՝ հայտնի երգչուհու քրոջ վթարի դեպքով նշանակվել է դատատեխնիկական, դատաբժշկական փորձաքննություն, որպեսզի պարզեն վթարի հանգամանքները՝ արդյոք մեքենայի անսարքությունն է եղել պատճառը, թե ոչ, կամ արդյոք վարորդը եղել է սթափ վիճակում:

Ասել է թե՛ նախաքննական մարմինը երկու վարկած է առաջ քաշում ողբերգական վթարի դեպքով՝ կամ վարորդը սթափ վիճակում չի եղել, կամ մեքենան անսարք է եղել:

ՔՐԵԱԿԱՆ ԶՐՈՆԻԿՈՒ

## ԱՎԱԶԱԿՈՒԹՅՈՒՆ՝ ՌԴ ԲՍՂԱՔԱՑՈՒՆԿԱՏՄԱՐԲ

Հայաստանի Հանրապետության քննչական կոմիտեի Երեան քաղաքի քննչական վարչության Արաբկիր վարչական շրջանի քննչական բաժնում նախաձեռնված քրեական վարույթի շրջանակներում իրականացված քննչական և վարույթային գործողություններով պարզվել են Երեան քաղաքում օտարերկրացու նկատմամբ ավագակություն կատարելու դեպքի մի շարք հանգամանքներ, այդ թվում՝ ենթադրյալ հանցագործություն կատարած անձի ինքնությունը: ՌԴ քաղաքացին հաղորդում է տվել այն մասին, որ 2024 թվականի հոկտեմբերի 17-ին ժամը 21:50-ի սահմաններում, Երեան քաղաքի Կասկադ համալիրի աստիճանահարթակի մոտ անհայտ անձը, զենքի նմանվող առարկայով սպառնալիքներ է հնչեցնելով, իրենից պահանջել է բջջային հեռախոս և գումար, ինչին ի պատասխան, վախի ազդեցության ներքո, ենթարկվելով սպառնալիքներին, ինքը տվել է իրեն պատկանող «Այֆոն 13» մոդելի բջջային հեռախոսը և կանխիկ գումար, որից հետո անհայտ անձը դիմել է փախուստի:

Ռեպի առթիվ ՅՅ քրեական օրենսգրքի 252-րդ հոդվածի 2-րդ մասի 5-րդ կետով, նախաձեռնվել է քրեական վարույթ, որի շրջանակներում ՌԴ քաղաքացին ճանաչվել է տուժող և հարցաքննվել դեպքի հանգամանքների շուրջ:

Նախաքննության ընթացքում իրականացվել է դեպքի վայրի զննություն, որի ընթացքում տուժողը մատնացույց է արել հստակ վայրը, որտեղ դեպքը տեղի է ունեցել:

Ձեռնարկված օպերատիվ-հետախուզական միջոցառումների արդյունքում պարզվել է ենթադրյալ հանցագործություն կատարած անձի ինքնությունը, ով Արմավիր քաղաքի 25-ամյա բնակիչ է:

Նախաքննության ընթացքում առգրավվել են դեպքի վայրի հարակից հատվածներում առկա տեսանկարահանող սարքերի տեսագրությունները, որոնք զննության են ենթարկվել տուժող մասնակցությամբ:

25-ամյա երիտասարդի նկատմամբ ՅՅ քրեական օրենսգրքի 252-րդ հոդվածի 2-րդ մասի 5-րդ կետով հանրային քրեական հետապնդում է հարուցվել:

Որոշում է կայացվել՝ վերջինիս ձերբակալելու մասին, որի կատարումը հանձնարարվել է ՅՅ ՆԳՆ ոստիկանության համապատասխան ստորաբաժանում:

Նախաքննությունը շարունակվում է:

## ՎԱՐՉԱԿԱՆ ՏՈՒՅԺ՝ ՊՆ ՆԱԽԿԻՆ ԽՈՐՀՐԳԱԿԱՆԻՆԿԱՏՄԱՐԲ

Կոռուպցիայի կանխարգելման հանձնաժողովը վարչական տույժ է կիրառել ՅՅ պաշտպանության նախարարի նախկին խորհրդական Սուրեն Ալյոշայի Հարությունյանի նկատմամբ:

Համաձայն Azdarar.am-ի Կոռուպցիայի կանխարգելման հանձնաժողովի ներկայացրած վարույթների մասին հաշվետվության՝ ՅՅ պաշտպանության նախարարի նախկին խորհրդական Սուրեն Հարությունյանի կողմից «Հանրային ծառայության» մասին օրենքով նախատեսված 2021 թվականի պաշտոնական պարտականությունները դադարեցնելու օրվա դրությամբ առկա գույքի, եկամուտների և ծախսերի հայտարարագրի ժամկետը լրանալուց հետո՝ 30 օրվա ընթացքում, հանձնաժողովի գրավոր ծանուցման հիման վրա չներկայացնելու հիմքով կիրառել վարչական տույժ: Կիրառված վարչական տույժը սահմանվել է նվազագույն աշխատավարձի երկուհարյուրապատիկի չափով՝ 200 հազար ՀՀ դրամ:

ԷՄՍՍ ՄԻՔԱՅԵԼՅԱՆ

● Ըստ ոստիկանության տվյալների՝ հոկտեմբերի 28-ից 29-ը ՅՅ ՆԳՆ ոստիկանության ստորաբաժանումների կողմից բացահայտվել է հանցագործության 45 դեպք, որից 2-ը՝ նախկինում կատարված:



ՀԱՍԱՐԱԿՈՒԹՅՈՒՆ

ՄԱՐԶ

ԻԲԵՆՑ ՈՒՈՐՏԻՑ ԱՆՏԵՂՅԱԿ ԵՆ

Պետական բյուջեից բարձր աշխատավարձեր, մեծ պարգևավճարներ ստացող Տավուշի մարզպետի աշխատակազմի անմիջակարեն ղեկավարում է մարզի ընդամենը երկու ոլորտ՝ պետական հանրակրթությունը, եւ մարզի պետական առողջապահական հիմնարկները: Այդ ղեկավարումն էլ մարզպետարանն իրականացնում է ԿԳՄՍ-ի եւ առողջապահության նախարարության հետ համատեղ: Տավուշի մարզպետարանում տեղյակ չեն, թե ինչ վիճակում են գտնվում իրենց ենթակայությանը գործող հանրակրթական դպրոցների շենքերը: Տավուշի մարզպետ Հայկ Ղալումյանին տեղեկատվական հարցում ենք ուղարկել՝ նրան հարցնելով՝ 2024 թվականի հոկտեմբերի 10-ի դրությամբ Տավուշի մարզի հանրակրթական մի դպրոցների շենքերն ունեն հիմնանորոգման, որոնք՝ վերանորոգման, որոնք՝ մասնակի նորոգման կարիք: Մարզպետարանից պատասխանել են. «Տավուշի մարզի հանրակրթական դպրոցների շենքերի հիմնանորոգման, վերանորոգման եւ մասնակի նորոգման վերաբերյալ ցուցակները դեռեւս հաստատված չեն»:

ՀԱՅ-ՀՆԴԿԱԿԱՆ ԲԱՆՎՈՐԱԿԱՆ ԵՂԲԱՅՐՈՒԹՅՈՒՆ

Տավուշի սահմանագոտում կառուցվող ամրությունների շինարարությունում ընդգրկված են սահմանամերձ գյուղերի բնակիչներ, նաեւ՝ մեծ թվով հնդիկներ: Հնկաստանի քաղաքացիներին այդ գործում ներգրավել են որպես էժան վարձատրվող աշխատանքային ուժ: Տավուշի բանվորների վկայությամբ՝ շինարարական կազմակերպություններն իրենց օրական 12 հազար դրամ են վճարում: Թե որքան են վճարում հնդիկներին, հայտնի չէ, սակայն հնդիկներին, ռոմիկից զատ, նաեւ ճաշ են տալիս: Տավուշի բանվորների խոսքերով՝ սահմանագոտում ընթացող շինարարություններում աշխատող հնդիկները քիչ թե շատ խոսում են հայերեն, նրանցից ոմանք կրթված են, հաշվարկում են այդ շինարարությունում օգտագործվող ամրանների, այլ շինանյութերի պահանջվող քանակը: Անցած շաբաթ պաշտպանության նախարար Սուրեն Պապիկյանը լրագրողների խումբ էր տարել Տավուշի սահմանագոտի, նախարարը լրագրողներին ցույց է տվել սահմանագոտում աշխատող հնդիկ բանվորներին:

ՎՏԱՆԳ՝ ԲՆԱԿԻՉՆԵՐԻ ՀԱՄԱՐ

Իջեան քաղաքի բնակիչները «Ժողովուրդ» օրաթերթի լրագրողին բողոքել են, որ քաղաքի շուկայի դիմացի հետիոտնային անցումի սպիտակ շերտերը շատ հաստ են սարքված, որի հետեանքով առաջացել են անցումի սպիտակ շերտերի ելուստներ: Վերջերս մի կին ուղքով դիպել է դրան. կինն ընկել, գլուխն արյունոտվել է: Նման դեպքերը կարող են կրկնվել, քանզի հետիոտները այրտեղով անցնելիս չեն կարող ենթադրել, որ գոյություն ունի նման վտանգ, եւ հատուկ ուշադրություն չեն կարող դարձնել:

ՈՍԿԱՆ ՍՈՐՈՑՅԱՆ Տավուշ

ԲՆԱԿԱՐԱՆԱՅԻՆ ԾՐԱԳԻՐ. ԱՌԱՋԱՐԿՆԵՐ

ԲՈՒՆԻ ՏԵՂԱՂԱՆՎԱԾ ԱՐՑԱԽՑԻՆԵՐԻ ՎԵՐԱԲԵՐՅԱԼ

Արցախի Միությունը դասրասել է և հրադարակել է զեկույց ու առաջարկություններ բռնի տեղահանված արցախցիների համար ՀՀ կառավարության բնակարանային ծրագրի վերաբերյալ, իսկ Արցախի ժողովրդի կարիքների առաջնությունն նախաձեռնությունը, բաղկացած ռուրջ 40 հասարակական կազմակերպություններից, աջակցություն է հայցնել փաստաթղթին:



Ջեկույցը պարունակում է 2024թ. մայիսի 16-ին ընդունված ծրագրի հիմնական սկզբունքների վերլուծություն, առկա իրավիճակի հակիրճ նկարագրություն եւ գործող ծրագրի էականորեն լավարկման առաջարկներ՝ համապատասխան հիմնավորումներով ու հավելվածներով:

Ծրագրի վերլուծության արդյունքում վեր են հանվել մի շարք խնդիրներ եւ մարտահրավերներ, որոնք խոչընդոտում են դրա արդյունավետ իրականացմանը: Այդ խնդիրները կարելի է դասակարգել մի քանի հիմնական խմբերի, մասնավորապես.

Ցածր դիմելիություն. հոկտեմբերի սկզբի դրությամբ՝ Ծրագրին դիմել եւ վկայագիր է ստացել շուրջ 30 ընտանիք, ինչը կազմում է ընդհանուր թիրախային խմբի ընդամենը 0.12%-ը: Այս ցածր ցուցանիշը վկայում է ծրագրի մատչելիության կամ պայմանների հետ կապված խնդիրների մասին:

Ֆինանսական խոչընդոտներ. գործող ծրագրով հաշվի չի առնվում բնակարանների շուկայական գների իրական պատկերը: Հատկապես Երեւանում եւ այլ քաղաքներում առաջարկվող աջակցության չափը բավարար չէ արժանապատիվ բնակարանային պայմաններ ապահովելու համար, իսկ բնակելի տան կառուցման պայմանները գլխավորապես չեն համապատասխանում նույնիսկ պետական լիազոր

մարմնի կողմից հաստատված նախագծերի նվազագույն արժեքներին:

Իրավական խոչընդոտներ. Ծրագրի որոշ պահանջներ, օրինակ՝ դիմելու պահին ՀՀ քաղաքացիության պահանջը, խոչընդոտում են շահառուների մասնակցությունը, իսկ մի շարք այլ դրույթներ առաջացնում են տարբեր խմբերի անձանց իրավունքների խախտումներ, որոնք երբեմն հակասում են նույնիսկ ՀՀ Սահմանադրությանը:

Հատուկ կարիքներ ունեցող խմբերի անտեսում. Գործող ծրագրով բավարար չափով հաշվի չի առնում հատուկ կարիքներ ունեցող խմբերի, օրինակ՝ հաշմանդամություն ունեցող անձանց եւ զոհված զինծառայողների ընտանիքների կարիքները:

Վարկավորման հետ կապված խնդիրներ. Շատ շահառուներ դժվարություններ ունեն լրացուցիչ հիփոթեքային վարկեր

ստանալու հարցում, հատկապես եթե նախկինում ունեցել են վարկային պարտավորություններ եւ, հիմնականում իրենց կամքից անկախ պատճառներով, խնդիրներ ունեն վարկային պատմության հետ:

Վերոնշյալ եւ մի շարք այլ խնդիրների համակարգային ու հիմնարար լուծման համար փաստաթուղթն առաջարկում է ողջամիտ ու արդյունավետ լուծումներ՝ միաժամանակ ներկայացնելով փաստական ու իրավական հիմնավորումներ դրանց օգտին:

Արցախի Միությունը եւ Արցախի ժողովրդի կարիքների ապահովման նախաձեռնությունն անկախում են, որ ՀՀ կառավարությունը հաշվի կառնի սույն առաջարկները, ինչպես նաեւ արագ կերպով կմեկնարկի իրական ու արդյունավետ հանրային քննարկումներ ծրագրի հիմնարար բարելավման համար:

ՆՈՐՈՒԹՅՈՒՆՆԵՐ

ԿԱՌՈՒՑՈՒՄ ԵՆ ԹՈՂՈՂ ՄԵՔԵՆԱՆԵՐ ԱՐՏԱԳՐՈՂ ԳՈՐԾԱՐԱՆ

Չինական XPeng ավտոարտադրողը սկսել է թռչող մեքենաների գործարանի կառուցումը Չինաստանի հարավում գտնվող Գուանչժոու նահանգում: Ինչպես հաղորդում է Xinhua-ն, սա կլինի աշխարհում առաջին նման գործարանը, որն ունի լայնածավալ արտադրություն:

Արտադրության առաջին փուլում 10 000 հեկտար տարածքով գործարանը կարտադրի թռչող մոդուլ Land Aircraft Carrier (LAC) մեքենայի համար: Գործարանը տարեկան կկարողանա արտադրել մոտ 10 հազար նման մոդուլ:

Ընկերությունը LAC-ը կներկայացնի Չժոնհայ քաղաքում Airshow China-ում: Միջոցառումը տեղի կունենա նոյեմբերի 12-ից 17-ը: Սպասվում է, որ թռչող մոդուլն այնտեղ կիրականացնի իր առաջին հանրային թռիչքը:

Հունիսին ճապոնական Nikkei Asia հրատարակությունը հայտնել էր, որ չինական Գուանչժոու քաղաքի իշխանու-

թյունները նախատեսում են մինչեւ 2027 թվականը ներդնել 10 միլիարդ յուան (1,4 միլիարդ դոլար) թռչող մեքենաների ենթակառուցվածքի զարգացման համար:

ԽՈՐՀՈՒՐԳ Է ՏԱԼԻՍ ՄԱՄՆԱԳԵՏԸ

ԻՆչ է բրոնխային ասթման. շնչուղիների քրոնիկ բորբոքային հիվանդություն է, որը բնութագրվում է շնչուղիների կրկնվող բորբոքումով, դիտվում է շնչառության դժվարացում, հազ եւ խզզոց: Ներկայացնում է ավերգուղգիայի գծով ԱՆ խորհրդատու Արմինե Հակոբյանը:

Շնչառական համակարգը գրիպի ժամանակ հայտնվում է թիրախում, եւ ասթմա ունեցող մարդիկ ավելի խոցելի են դառնում. կարող են սրել հիվանդության ախտանիշները եւ բարդացնել ասթման՝ առաջացնելով լուրջ բարդություններ, ինչպիսիք են թոքաբորբը, շնչառական անբավարարությունը:

Գրիպի դեմ տարեկան պատվաստումը կարեւոր կանխարգելիչ միջոց է ասթմա ունեցող մարդկանց համար: Պատվաստանյութն աշխատում է՝ խթանելով իմունային համակարգը արտադրելու հակա-

մարմիններ գրիպի վիրուսի դեմ, ինչը կանխում է վարակը կամ նվազեցնում դրա ծանրությունը: Քանի որ գրիպի վիրուսը պարբերաբար փոխվում է, պատվաստանյութի կազմը ամեն տարի թարմացվում է՝ առավել տարածված շտամներից պաշտպանելու համար:

Բազմաթիվ կլինիկական հետազոտություններ հաստատում են, որ գրիպի դեմ պատվաստումը արդյունավետ է ասթմա ունեցող անձանց, այդ թվում՝ երեխաների մոտ ծանր հետեանքները կանխելու առումով եւ պատվաստումներից հետո ասթմայի սրացումների զգալի աճ չի նկատվել: Իրականում, գրիպով վարակվելու բարդությունների ռիսկը շատ ավելի մեծ է, քան պատվաստանյութի հետ կապված ցանկացած փոքր ռիսկ:

Այսպիսով՝ գրիպի դեմ պատվաստումը ոչ միայն օգուտ է տալիս ասթմա ունեցող մարդկանց, այլեւ նպաստում է հանրային առողջությանը՝ ձեւավորելով կուլտուրալ իմունիտետ:

Երբ բնակչության զգալի մասը պատվաստվում է, գրիպի տարածումը դանդաղում է, ինչը անուղղակիորեն պաշտպանում է այն մարդկանց, ովքեր ունեն իմունային խանգարումներ, այդ թվում՝ ծանր ասթմա ունեցող անձինք, որոնք կարող են պատվաստմանը լավ չարձագանքել:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 10 պատահար. 1 մարդ մահացել է, 12-ը՝ ստացել տարբեր աստիճանի մարմնական վնասվածքներ:



ՄԵԿԱՌԻՅԵ

ԸՆԴՈՒՆԵԼ Է ԾԱԽՄԱՏԻ ԶՎԱԺՔԱԿԱՆԻ ԱՆԴԱՄՆԵՐԻՆ

100-ԱՄՅԱԿԻ ԼԱՎԱԳՈՒՅՆ ԹԻՄԻ ԱՆՎԱՆ ԵՒ ԳՐԱՅԱՎՈՐԵՑՆՈՂ

ՀՀ կրթության, գիտության, մշակույթի եւ սպորտի նախարար Ժաննա Անդրեասյանն այսօր ընդունել է Հայաստանի բազմաթիվ կամանգ եւ համապատասխան հավաքականներին, որոնք վերջերս Բուդապեշտում մասնակցել են բազմաթիվ համաժամարարային 45-րդ օլիմպիադային:



Հանդիպմանը ներկա են եղել նաեւ ԿԳՄՍ նախարարի տեղակալ Կարեն Գիլոյանը եւ Հայաստանի շախմատի ֆեդերացիայի գործադիր տնօրէն Արմեն Գեորգյանը:

ԿԳՄՍ նախարարը ողջունել է շախմատիստներին, շնորհակալություն հայտնել հաջող մրցելույթների համար եւ շնորհավորել նրանց գրանցած արդյունքների առթիւ: Ժաննա Անդրեասյանն ընդգծել է՝ շախմատն առանձնահատուկ նշանակություն ունի հանրության շրջանում, հատկապէս այն ժամանակից ի վեր, ինչ շախմատը՝ որպէս առարկա, սկսել է դասավանդվել հանրակրթական դպրոցներում:

ԿԳՄՍ նախարարն անդրադարձել է նաեւ պատանի շախմատիստների հաջող մրցելույթներին, որոնք բարձր արդյունքներ են գրանցել արագ եւ կայծակնային շախմատի Եվրոպայի առաջնությունում: «Սա նշանակում է, որ նաեւ արդյունքների կայունություն ու շարունակականություն ունենք: Մեր երեխաների արդյունքները ցույց են տալիս, որ մեծ վստահությամբ կարող ենք այդ մասին խոսել»:

Ժաննա Անդրեասյանը Հայաստանի շախմատի հավաքականի մարզիկներին ու մարզիչներին շնորհավորել է նաեւ ՖԻԴԵ-ի կողմից 100-ամյակի լավագույն թիմ ճանաչվելու առթիւ:

«Սա մեծ պատասխանատվություն ու պատիվ է: Վստահ եմ դարի լավագույն թիմի անվան ներքո հանդես գալը հետագայում յուրաքանչյուրիդ համար լրացուցիչ պատասխանատվություն է լինելու: Մյուս կողմից՝ կարելի է, որ շարունակական աշխատանքը գնահատվում է ոչ միայն երկրի ներսում, այլեւ միջազգայնորէն ճանաչելի է դարձնում Հայաստանը՝ որպէս շախմատային երկիր»,- ասել է Ժաննա Անդրեասյանն ու հետագա հաջողություն մաղթել մարզիկներին: ԿԳՄՍ նախարարի տեղակալ Կարեն Գիլոյանը եւս ողջունել է մարզիկներին եւ շնորհավորել գրանցած արդյունքների համար:

Գիլոյանը նաեւ անդրադարձել է շախմատի կանանց հավաքականի անդամներ Էլինա Դանիելյանը եւ Աննա Սարգսյանը համաշխարհային 45-րդ օլիմպիադայում բրոնզե մեդալներ էին նվաճել առանձին խաղատախտակներին: Կանանց մրցաշարում Հայաստանի հավաքականը թիմային պայքարում կիսել էր 3-6-րդ հորիզոնականները՝ լրացուցիչ ցուցանիշներով զբաղեցնելով 5-րդ հորիզոնականը: Հայաստանի շախմատի տղամարդկանց հավաքականն օլիմպիադայում կիսել էր 2-6-րդ հորիզոնականները՝ լրացուցիչ ցուցանիշներով զբաղեցնելով 6-րդ հորիզոնականը: Հայաստանի կանանց հավաքականի առաջատար Էլինա Դանիելյանը, անդրադառնալով արդյունքներին, հավաստիացրել է՝ մշտապէս ձգտելու են հասնել ավելի բարձր:

Հիշեցնենք՝ Հայաստանի շախմատի կանանց հավաքականի անդամներ Էլինա Դանիելյանը եւ Աննա Սարգսյանը համաշխարհային 45-րդ օլիմպիադայում բրոնզե մեդալներ էին նվաճել առանձին խաղատախտակներին: Կանանց մրցաշարում Հայաստանի հավաքականը թիմային պայքարում կիսել էր 3-6-րդ հորիզոնականները՝ լրացուցիչ ցուցանիշներով զբաղեցնելով 5-րդ հորիզոնականը: Հայաստանի շախմատի տղամարդկանց հավաքականն օլիմպիադայում կիսել էր 2-6-րդ հորիզոնականները՝ լրացուցիչ ցուցանիշներով զբաղեցնելով 6-րդ հորիզոնականը:

Հիշեցնենք՝ Հայաստանի շախմատի կանանց հավաքականի անդամներ Էլինա Դանիելյանը եւ Աննա Սարգսյանը համաշխարհային 45-րդ օլիմպիադայում բրոնզե մեդալներ էին նվաճել առանձին խաղատախտակներին: Կանանց մրցաշարում Հայաստանի հավաքականը թիմային պայքարում կիսել էր 3-6-րդ հորիզոնականները՝ լրացուցիչ ցուցանիշներով զբաղեցնելով 5-րդ հորիզոնականը: Հայաստանի շախմատի տղամարդկանց հավաքականն օլիմպիադայում կիսել էր 2-6-րդ հորիզոնականները՝ լրացուցիչ ցուցանիշներով զբաղեցնելով 6-րդ հորիզոնականը:

ԿԳՄՍ նախարարի հետ հանդիպմանը Հայաստանի շախմատի հավաքականի անդամները խոսել են իրենց տպավորությունների, առաջիկա անելիքների եւ խնդիրների մասին: Հանդիպման ընթացքում կողմերն անդրադարձել են նաեւ մի շարք այլ հարցերի՝ կապված մարզիկների հանդերձանքի, տեխնիկական հագեցվածության եւ այլնի հետ: Քննարկվել են նաեւ մրցումների նախապատրաստական աշխատանքների եւ տեխնիկական հագեցվածության բարելավմանը վերաբերող հարցեր:

ՀՀ ԿԳՄՍ նախարարություն

ՄԻՋՈՑԱՌՈՒՄՆԵՐ

ԱԿԱԴԵՄԻԱԿԱՆ ԶԱՂԱՔԻ ՀԱՏԱԿԱԳԻԾԸ ԿԳԵՄ ՀԱՄՏԱՏՄԱՆ

Հայաստանի կրթության, գիտության, մշակույթի եւ սպորտի նախարարությունն արդէն ավարտել է «Ակադեմիական քաղաք» հայեցակարգի գլխավոր հատակագծի մշակումը, հաջորդ տարի այն կներկայացվի հաստատման: «Արմենպրո»-ի հաղորդմամբ՝ ԱԺ մշտական հանձնաժողովների համատեղ նիստում 2025 թվականի պետական բյուջեի նախնական քննարկման ժամանակ այս մասին ասաց ԿԳՄՍ նախարար Ժաննա Անդրեասյանը:

«2025 թվականի պետական բյուջեով առանձնացրել ենք առանձին բյուջետային ծրագիր Ակադեմիական քաղաքի համար: Մեծ թափով շարունակելու ենք ծրագրի իրականացումը: Այս տարի ավարտել էինք «Ակադեմիական քաղաք» հայեցակարգի գլխավոր հատակագծի մշակումը: 2025 թվականին արդէն հաստատման կներկայացվի ամբողջական գլխավոր հատակագիծը՝ տեղական օրենսդրության համապատասխան»,- ասաց Անդրեասյանը:

Նախարարը տեղեկացրեց, որ մեկնարկել են նաեւ քաղաքաշինական զարգացման ուսումնասիրության, Ակադեմիական

քաղաքի կառավարման մոդելի, Ակադեմիական քաղաքի տրանսպորտային նախագծի մշակման աշխատանքները՝ միջազգային հեղինակավոր գործընկերների հետ կնքված պայմանագրերով:

ԼՈՒՄԱՆԿԱՐՉԱԿԱՆ ՓԱՌԱՏՈՆ

Երեւանում առաջին անգամ կանցկացվի Երեւանի միջազգային լուսանկարչական փառատոնը:

Այն իրականացվում է հոկտեմբերի 28-ից նոյեմբերի 28-ը՝ Երեւանի քաղաքապետարանի նախաձեռնությամբ:

Փառատոնի շրջանակում Հայաստան կժամանեն հայտնի լուսանկարիչներ աշխարհի տարբեր երկրներից: Փառատոնը կներկայացնի Երեւանի մասին այնպիսի լուսանկարներ, որոնք երբեք չեն ցուցադրվել այստեղ: Կանցկացվեն ցուցահանդեսներ, քննարկումներ, սեմինարներ, արվեստագետների հետ զրույցներ, ինչպէս նաեւ արհեստական բանականության կիրառմամբ ցուցադրություններ:

Փառատոնի բացման արարողությունը տեղի կունենա նոյեմբերի 1-ին, ժամը 19:00 Հայաստանի ազգային պատկերասրահում:

Բացման արարողությանը ներկա կգտնվեն եւ իրենց աշխատանքները կներկայացնեն Magnum Photos աշխարհահռչակ գործակալության լուսանկարիչներ Գեորգի Պիխասովը եւ Անդրեա Զոլցերը, ինչպէս նաեւ լուսանկարիչ Պատրիկ Բինդտը:

«ԱԹԱԹՈՒՐՔ» ՖԻԼՄԻ ՌԵԺԻՍՈՐԸ ՄԵՂԱԳԻՐԵԼ Է ՀԱՅԿԱԿԱՆ ԼՈՒՐԻՆ

Թուրքիայի հանրապետության հիմնադիր Սուլթաֆա Քեմալ Աթաթուրքի մանկության մասին պատմող անիմացիոն ֆիլմի ռեժիսոր Քամուրան Այնան խոսել է Եվրոպայում ֆիլմի ցուցադրման հետ կապված խնդիրներից:

Թուրքական Cumhuriyet-ի հետ զրույցում «Աթաթուրք» անիմացիոն ֆիլմի ռեժիսոր Քամուրան Այնան հայտնել է, որ Եվրոպայում Աթաթուրքի մանկության մասին պատմող անիմացիոն ֆիլմի ցուցադրությունից երկու օր առաջ կինոթատրոնների դեկավարները հրաժարվել են ցուցադրել ֆիլմը առանց հիմնավոր պատճառների:

Նա պնդել է, որ իր տեղեկություններով Եվրոպայում ուժեղ դիրքեր զբաղեցնող Հայկական լոբբին հաջողվել է կասեցնել ֆիլմի ցուցադրությունը Եվրոպայում:

Ֆիլմի ռեժիսորը նշել է, թէ ներկայում աշխատանքներ են տանում կրկին թույլտվություն ստանալու եւ ֆիլմը Եվրոպայում ցուցադրելու համար եւ մոտ են հաջողությանը:

ՄԱՐԶԱԿԱՆ

ՄԻԻԹԱՐՅԱՆԸ՝ ԳՈՒԼԻ ՐԵԳԻՆԱԿ

Իտալիայի ֆուտբոլի առաջնության 9-րդ տուրի կեստրոնական խաղում «Ինտեր»-ը սեփական հարկի տակ ընդունեց Տուրինի «Յուվենտուս»-ին:

Հայաստանի ֆուտբոլի ազգային թիմի նախկին ավագ Զեյնալա Աբախարյանը խաղի 35-րդ րոպեին շեշտակի, դիպուկ հարվածով վերականգնեց հաշվի հավասարությունը: Հայ կիսապաշտպանն առաջին գնդակը խփեց Սերիա Ա-ի ընթացիկ մրցաշրջանում: Եվ «Ինտեր»-ը 3-րդ գնդակն ուղարկեց «Յուվենտուս»-ի դարպասը: Կրկին 11 մետրանոց հարվածից դուբլի հեղինակ դարձավ Զեյնալան:

«Ինտեր»-«Յուվենտուս»՝ 4:4: Այս տուրից հետո «Ինտեր»-ը Սերիա Ա-ի մրցաշարային աղյուսակում 2-րդն է (20 միավոր): «Յուվենտուս»-ը՝ 4-րդն է (16 միավոր): Առաջատարը «Նապոլի»-ն է (22 միավոր):

ԱՐՑԱԽՅԻ Է ԱՌՈՒՄՏԱՄՅԱՆԸ ՀԱՂԹԵԼ Է ԹՈՒՐԶ ՄԱՐԶԻԿԻՆ

Արցախի բռնցքամարտիկ Էրիկ Առուստամյանն աշխարհի երիտասարդական առաջնությունում հաղթել է թուրք մարզիկին:

57 կգ քաշային Էրիկ Առուստամյանը Չեռնոգորիայում ընթացող բռնցքամարտի աշխարհի երիտասարդական առաջնության բառորդ եզրակակիչ է դուրս եկել՝ տեխնիկական նոկաուտով պարտության մատնելով թուրք Չաղրի Ֆիդանին:

Առուստամյանի հաջորդ մրցակիցը հոկտեմբերի 30-ին կլինի ադրբեջանցի Թաղի Նասիբովը:

«ՆՈՒՍ»-Ն ՀԱՂԹԵՑ

Հայաստանի ֆուտբոլի առաջնության 13-րդ տուրը ավարտվեց «Արարատ-Արմենիա»-«Նոա» խաղով:

Ավանի ֆուտբոլի ակադեմիայի մարզադաշտում կայացած խաղում «Նոա»-ին հաջողվեց առավելություն հասնել մեկ գնդակի շնորհիվ: Առաջին կեսի 20-րդ րոպեին «Նոա»-ի միակ եւ հաղթական գնդակը խփեց Ֆերեան:

Այս տուրից հետո Պրեմիեր լիգայի մրցաշարային աղյուսակի առաջատարը մնում է «Ուրարտու»-ն (29 միավոր): Երկրորդ տեղում 25 միավորով «Փյունիկ»-ն է: «Արարատ-Արմենիա»-ն 24 միավորով 3-րդն է, իսկ «Նոա»-ն 19 միավորով 4-րդն է:

ԱՃԽԱՐՀԻ 43-ՐԴ ՌԱԿԵՏ

Ռուսաստանաբնակ հայազգի թենիսիստ Կարեն Խաչատրյանը բարելավել է իր դիրքը Պրոֆեսիոնալ թենիսիստների ասոցիացիայի (ATP) թարմացված վարկանիշում ընդհուպ մոտենալով լավագույն քսանյակին: Խաչատրյանը վարկանիշային աղյուսակում բարձրացել է 3 հորիզոնականով եւ այժմ զբաղեցնում է 21-րդ հորիզոնականը:

Հայ թենիսիստուհի Էլինա Ավանեսյանը եւս բարձրացել է WTA վարկանիշային աղյուսակում:

● Նոյեմբերի 9-ին՝ ժամը 19:00-ին, Հ. Ղափլանյանի անվան դրամատիկական թատրոնում կցուցադրվի «Վերջին ծաղրածուն» ներկայացումը: Տոմսերի արժեքը՝ 2.000-4.000 դրամ:





**ԱՐԱՋԱՆԳ**

**ՀԱՐՑ. Ի՞նչ կարող եմ անել ես, եթե ինձ մեծերի մեկը ենթարկվում է բռնության:**  
Սամվել Ներսիսյան (18 տարեկան)



**ՊԱՏԱՍԽԱՆ.**

Եթե դուք ունեք ընկերներ կամ ընտանիքի անդամներ, որոնք գտնվում են անառողջ հարաբերության մեջ, ուր առկա է բռնություն, ամենակարևոր բանը, որը կարող էք անել, փորձել լսել եւ լինել հասկացող: Մի՛ դատեք, հիշե՛ք, որ բռնության մթնոլորտում ապրելը երբեք հեշտ չէ:

Խոսե՛ք Ձեր ընկերոջ կամ ընտանիքի անդամի հետ, տեղեկացրե՛ք եւ բացատրե՛ք, որ բռնությունը նորմալ չէ: Նրանք, հնարավոր է, չգիտակցեն կամ չընդունեն, որ ենթարկվում են բռնության:

Ո՛չ մի դեպքում մի՛ մեղադրեք նրան եւ մի՛ առաջացրեք մեղավորության զգացում:

Բացատրե՛ք, որ նա մեղավոր չէ եւ արժանի չէ նման հարաբերությունների:

Լսե՛ք եւ փորձե՛ք ապրումակցել նրան:

Բարձրացրե՛ք նրա՝ անվտանգ եւ առողջ մթնոլորտում ապրելու իրավունքի գիտակցումը:

Հորդորե՛ք նրան զանգահարել ոստիկանություն կամ ընտանեկան բռնության թեժ գիծ եւ հայտնել բռնության դեպքի մասին:

Գտե՛ք բռնության ենթարկված անձի համար անհրաժեշտ առկա ռեսուրսներ Ձեր տարածքում:

Զանգահարե՛ք ընտանեկան բռնության թեժ գծեր Ձեր ընկերոջ կարգավիճակի մասին տեղեկացնելու համար:

Կրթե՛ք ինքներդ Ձեզ՝ կարդալով գրքեր կամ օնլայն հոդվածներ՝ ընտանեկան բռնության մասին:

Երբ Ձեր ընկերը կամ ընտանիքի անդամները հասկանում են, որ իրենց հարաբերության մեջ առկա է բռնություն, օգնե՛ք նրանց ստեղծել անհատական անվտանգության ծրագիր:

**Ընտանեկան բռնության դեպքերի տվյալների առցանց հարթակ**

**«ԺՈՂՎՈՒՐԳ».**

Երբ Ձեր ընկերը կամ ընտանիքի անդամները հասկանում են, որ իրենց հարաբերության մեջ առկա է բռնություն, օգնե՛ք նրանց ստեղծել անհատական անվտանգության ծրագիր:

Էջը՝ ԱՆՎԱՐԴ ԿՈՇԿԱԿԱՐՅԱՆԻ

**ԱՊՎԱՍԱՆ**

**ՀԱՐՑ. Ի՞նչ իրավունքներ եւ դատականություններ ունեն աղասան հայցողները.**  
Լեք Քեռաբջյան (36 տարեկան)



**ՊԱՏԱՍԽԱՆ.**

Ապաստան հայցողները Հայաստանում ազատ տեղաշարժի, աշխատելու, կրթության, անվճար իրավաբանական խորհրդատվություն ստանալու, անվճար բուժօգնություն ստանալու եւ մի շարք այլ իրավունքներ ունեն:

Նրանք իրենց իրավունքներից օգտվելիս պետք է հարգեն ՀՀ քաղաքացիների, այլ անձանց օրինական շահերը, իրավունքները եւ ազատությունները, պահպանեն հասարակական կարգը, ՀՀ անվտանգությունը:

**ՀՀ ՆԳՆ միգրացիայի եւ քաղաքացիության ծառայություն**

**«ԺՈՂՎՈՒՐԳ».**

Ապաստան հայցողները պարտավոր են համագործակցել Միգրացիոն ծառայության հետ, տրամադրել հավաստի ու ճշմարիտ տեղեկություններ, վճարել բոլոր տեսակի հարկերն ու տուրքերը, ինչպես Հայաստանի քաղաքացիները: Նրանք պարտավոր են պահպանել Հայաստանի օրենսդրության պահանջները:

**ԼՈՒՐ ԿԱԴՐ**

Լուսանկարը՝ համացանցից



Այս երկու մրգավաճառները գրավել են անցորդների, գնորդների եւ «լուսանկարիչների» ուշադրությունը՝ գրքին ընկղմված իրենց հայացքներով:

Թերեւս հետաքրքիր լուսանկար է, եւ ինչու ոչ՝ ուսանելի:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել



«Հայկուստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎԱՐԴ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդախտաբանաբար ձեր բարձրացրած բոլոր խնդիրներին:

**ԱՌԱՋԱՐԿ**

**հայկական տպագիր մամուլից**


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



Շիրակ	0 - 4 + 8 + 12
Կոտայքի լեռներ	- 1 - 5 + 7 + 11
Կոտայքի նախալեռներ	0 + 2 + 13 + 15
Գեղարքունիք	0 - 5 + 6 + 11
Լոռի	- 1 - 5 + 10 + 13
Տավուշ	- 2 + 3 + 12 + 15
Արագածոտնի լեռներ	0 - 3 + 7 + 11
Արագածոտնի նախալեռներ	- 1 + 3 + 11 + 15

Արարատ	0 + 3 + 17 + 19
Արմավիր	- 1 + 2 + 17 + 19
Վայոց ձորի լեռներ	- 2 - 5 + 9 + 11
Վայոց ձորի նախալեռներ	- 1 + 2 + 17 + 19
Սյունիքի հովիտներ	+ 3 + 7 + 16 + 19
Սյունիքի նախալեռներ	0 - 2 + 9 + 12
ԼՂՀ	0 - 4 + 9 + 13
Երեւան	+ 6 + 8 + 16 + 18

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Արշակունյաց 2, հեռ.՝ 010 54-64-23  
Պետական գրանցման վկայականի համարը՝ 03U089086  
տրված է 24.11.2010  
Ստորագրված է տպագրության 29.10.2024  
Տպաքանակ՝ 3968

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
խմբագրություն հանձնված նյութերը չեն գրայնաչափում եւ  
չեն վերադարձվում, Գ նշանով նյութերը գովազդային  
հրապարակումներ են, որոնց համար խմբագրությունը  
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս  
կամ ընթացիկ մեջբերումներ անելիս պետք է պարտադիր գրառել  
հրատարակչությունը. «Շարունակությունը կարող էք կարդալ  
«Ժողովուրդ» օրաթերթի այսօրվա համարում»: